

so ansehnlichen Versammlung der Stände
Augsburgischer Confession? etc.

Vnd ist wol zu mercken/das eben damals
Philippus/als solche Handlung zu Schmal-
talden fůrgangen / an den Churfürsten zu
Sachsen geschrieben: Es seye mit den Sa-
cramentetirern nur fürwis / Trevel / der
Vernunfft klugheit vnd wahn / damit
man für Gott nicht bestehen könne /
wenn es zum treffen kommen solle / vnd /
er wolle es mit den Zwinglianern nicht
halten sein lebenslang / Denn er wisse /
das sie vnrecht vnd falsch lehren
vnd schreiben / etc. Wie solch Philippi
schreiben in Sächsischer Fürstlicher Canse-
ley noch zur hand ist.

Zum siebenzehenden ist vnvermeinlich
war/das Anno 1541. auff dem Reichs Tag
zu Regenspurg / abermal wegen der Calvini-
schen Lehr gehandelt / vnd sonderlich grosse
Klag von den Protestirenden fürgebracht /
das den Calvinisten zu gefallen / der Zehende
Artickel der Augsburgischen Confession /
vom Nachmal also verendert vnd verstüm-
pelt worden / das auch die Calvinisten sich
darunter verkriechen vnd verstecken mögen.

Darauff